

ԱԼԵՔՍԱՆԴՐԱՊՈԼԻ ՀՈԳԵՎՈՐ ԴՊՐՈՅԸ 1830 - 1880-ական թթ.

1829 - 1831 թթ. արևմտահայերի ներգաղթի ժամանակ Գյումրիում հաստատված վերաբնակների խմբերի մեջ որոշակի թիվ էին կազմում բանիմաց ու գրագետ մարդիկ, մանկավարժության գործում հմտացած քահանաներ: Արդեն 1830-ական թթ. սկզբներին նրանք Գյումրիում բացեցին իրենց մասնավոր դպրոցները: Հայտնի էին բարերոցի Հովհաննես քահանա Տեր-Մարտիրոսյանի և տիրացու Հովհաննես Դավթյանի դպրոցները,¹ լավ ուսուցչի համբավ ունեին կարսեցի Հովհաննես քահանա Տեր - Գաբրիելյանը,² Կարապետ, Խորեն խալֆաները³ և այլք:

Հովհաննես Կարսեցի կաթողիկոսի կարգադրությամբ 1833թ. Գյումրիում բացված Հովհաննես Դավթյանի դպրոցը տեղավորված էր Մայր Աթոռին պատկանող մի «սենյակում»: Հայ երեխաները վճարովի հիմունքներով այստեղ սովորում էին հասարակ ընթերցանություն և քերականության արվեստ:⁴ Փաստաթղթերը վկայում են, որ 1835-1836թթ. ընթացքում Գյումրիի հոգևոր փոխանորդ Ստեփաննոս արքեպիսկոպոս Խաժակյանն անհաշտ վերաբերմունք ուներ Հովհաննես Դավթյանի և նրա դպրոցի նկատմամբ:⁵

Ալեքսանդրապոլի կրթական կյանքի կազմակերպմանը նոր որակ հաղորդեց Ալեքսանդրապոլի հոգևոր վիճակի փոխանորդ Նիկողայոս եպիսկոպոս Մարտիրոսյանը (1837-1847 թթ.)⁶ հետամուտ լինելով 1837 թ. հունվարի 1-ից գործադրվող «Պոլոժենիե»-ի («Հայ-լուսավորչական հավատի հոգևոր գործերի կառավարման կանոնադրություն») այն դրույթին, ըստ որի՝ եկեղեցական թեմերի վիճակներում կարող էին բացվել ծխական դպրոցներ:⁷ Ընդառաջելով հասարակության ցանկությանը,⁸ Նիկողայոս եպիսկոպոսը 1837թ. աշնանն Ալեքսանդրապոլի հոգևոր վիճակում սկսում է կամավոր միլիտատություններ հավաքել առաջնորդարան և վարժարան կառուցելու համար:⁹ Դեռ 1837թ. օգոստոսի 7-ին տեղական իշխանությունները նրան այդ նպատակով հողատարածք էին հատկացրել:¹⁰ 1838թ. սկսվում է Սր Աստվածածին եկեղեցում կից առաջնորդարանի, կրպակների և «վասն նորավարժից» սենյակների կառուցումը:¹¹

1838 թ. Հովհաննես Դավթյանը և նրա դպրոցը նորից հայտնվում են բարձրագույն հոգևոր իշխանության ուշադրության կենտրոնում: Հովհաննես Կարսեցի կաթողիկոսի 1838 թ. հունիսին Ստեփաննոս արքեպիսկոպոս Արղությանցին ուղղած մի

¹ Ե. Չարենցի անվան գրականության ու արվեստի թանգարան (այստեղտե՛՛ ԳԱԹ), Կ. Կոստանյանցի ֆոնդ, վավերագիր 430, թերթ 2: Սանթրոսյան Մ., Արևելահայ դպրոցը 19-րդ դարի առաջին կեսին, Եր., 1964, էջ 272:

² Կրպե, Կարս քաղաք, Մոսկուա, 1894, էջ 41:

³ Գյումրի. Զաղարը և մարդիկ, Գյումրի, 2009, էջ .

⁴ Սանթրոսյան Մ., նշվ. աշխ., էջ 272:

⁵ Մեսրոպ Մաշտոցի անվան հին ձեռագրերի ինստիտուտ (Մատենադարան), Կաթողիկոսական դիվան, թղթապանակ 85, վավերագիր 134, թղթ. 88, վ. 101:

⁶ Շիրակի (հետո՝ Ալեքսանդրապոլի) փոխանորդությունը մտնում էր Երևանի թեմի մեջ, որի անմիջական առաջնորդն Ամենայն Հայոց կաթողիկոսն էր (Տե՛ս Հակոբյան Պ., Հայագիտական ուսումնասիրություններ, Եր., 2003, էջ 121):

⁷ «Զրիստոնյա Հայաստան» հանրագիտարան, Եր., 2002, էջ 865:

⁸ Обзорение российских владений за Кавказомъ, въ статистическомъ, этнографическомъ и финансовомъ отношеніяхъ, часть II. СПб., 1836, с. 305:

⁹ Մատենադարան, Կաթողիկոսական դիվան, թղթ. 91, վ. 98:

¹⁰ Ղլտճեան Ա., Համառոտ պատմութիւն Ալեքսանդրապոլի Հայոց հոգեւոր վիճակային դպրոցի (1840 - 1912), Ալեքսանդրապոլ, 1912, էջ 17:

¹¹ Մատենադարան, Կաթողիկոսական դիվան, թղթ. 98, վ. 146, 153, 158: Ղլտճեան Ա., նշվ. աշխ., էջ 18:

գրութունից իմանում ենք, որ Նիկողայոս եպսկոպոսը կոնսիստորիայի պահանջով Հ. Դավթյանին արգելել էր գրադվել մանկավարժական գործունեությամբ:¹² Այդ պահին դպրոցում սովորում էին 65 աշակերտներ, որոնցից միայն երկուսն էին հոգևորականների որդիներ (Պետրոս Տեր-Կարապետյան և Եղիազար Տեր-Հարությունյան):¹³ Երևանի քննի առաջնորդական փոխանորդ Ստեփաննոս արքեպիսկոպոս Արղությանցը, ամուրադատմալով կոնսիստորիայի կարգադրությանը, գրում է. «Առաջին. մեր յումինք զերաման բարձրագոյն իշխանութեանց բանալոյ այդր զվարժարան ոչ շտա-տիսս եւ ոչ առանց շտատի: Երկրորդ. լաասպէս գիտակ իսկ է սուրբ եղբայրդ մեր զդրու-թիւս եւ ոչ առանց կամաց բարձրագոյն իշխանութեանց ոչ է մարք առնել զաղայիսի մեծագոյն իրս կամ գործս»:¹⁴ Ելնելով դրանից՝ նա առաջարկում է Հ. Դավթյանին պահել այնքան աշակերտ, ինչքան որ վերջինս ցանկանում է, սակայն ռաւոցչին վճարել աշակերտների ծնողներից ստացվող ուսման վարձից (տա-րեկան 1 արծաթ ռուբլի): Միաժամանակ երկու եպիսկոպոսները պայմանավորվում են իրենց աշխատավարձերից տարեկան 25-ական արծաթ ռուբլի որպէս աշխատավարձ առաւ Հ. Դավթյանին:¹⁵ 1839թ. մարտի 10-ին Ալեքսանդրապոլի հոգևոր վիճակի փոխանորդը տեղյակ է պահում Ստեփաննոս Արղությանցին, որ աղքատ աշակերտների ծնողները դժվարանում են վճարել ռաւոցչի վարձը: Խնդրում է «զյատուկ տնօրէնու-թիւս», քանի որ մասնավոր վարձատրությամբ ռաւոցչիը «ոչ կարէ ապրել»:¹⁶ Ամենայն հավանականությամբ արդեն 1840թ. Հովհաննես Դավթյանի դպրոցը այլևս գոյություն չուներ: Ըստով նրա փոխարեն իշխանությունների օրինական թույլտվությամբ բաց-վում է Ալեքսանդրապոլի «հոգևոր» դպրոցը:¹⁷

1840թ. սեպտեմբերից մինչև 1841թ. հունվար ընկած ժամանակահատվածում Ալեքսանդրապոլում մոլեգնող ժամատախտի համաճարակի¹⁸ պատճառով մորաբաց դպրոցը կանոնավոր չէր գործում: Դպրոցի առաջին ռաւոցչիներից էին Հովհաննես Տեր-Մարտիրոսյանը, Հակոբ Շահ-Արսայանցը և Նիկիտ Բոգոմոլովը:¹⁹ 1841թ. սկզբներին դպրոցում անվճար սովորում էին 60 երկխաներ,²⁰ դասավանդվում էին հայերեն, ռուսերեն, «եկեղեցական ուսմունքներ», վայելչագրություն: Ընդ որում, 1841-1843թթ. հայերեն և ռուսերեն լեզուներն անվճար դասավանդում էր Հակոբ Շահ-Արսայանցը: 1843 թվականից ռուսերենի ռաւոցչիը Ն. Բոգոմոլովն էր: Նա մույն տարվա հունվարի 21-ին Ալեքսանդրապոլում բացում է մասնավոր դպրոց,²¹ բայց շարունակում

¹² Մատենադարան, Կաթողիկոսական դիվան, թղթ. 97, վ. 136:

¹³ Նույնը:

¹⁴ Նույն տեղում, թղթ. 96, վ. 114:

¹⁵ Նույնը:

¹⁶ Նույնը:

¹⁷ Դլոմենա Ա., նշվ. աշխ., էջ 17: Մանթրոսյան Մ., նշվ. աշխ., էջ 273: Ավետիսյան Մ., Ալեքսանդրապոլի Փրկչի արական դպրոցը, «Բանվոր», Լենինական, 1988, N 33, էջ 3: Հմմտ. Արարացե-հանց Մ., Մի քանի տեղեկություններ Ալեքսանդրապոլում Հայոց ուսումնարանի, Ընթերցարանի եւ Բարեգործական միաստակաւ կազմուած Ընկերութեանց վերայ, «Արարատ», Ս. Էջմիածին, Բ տարի, քիւ Ն, էջ 113: Խոջայեանց Յ., Գիւմրի, «Արարատ», 1871, Դ տարի, քիւ Ռ, էջ 314: ԳԱԹ, Կ. Կոստանյանցի ֆոնդ, վ. 430, ք. 16: Պարսամյան Վ., Հայ ազատագրական շարժում-ների պատմությունից (Ուսումնասիրություն և փաստաթղթեր), Եր., 1958, էջ 247: Պատմական որոշ աղբյուրներում նշվում է, որ հոգևոր դպրոցը հիմնադրվել է 1841 թ. (Մատենադարան, Կա-թողիկոսական դիվան, թղթ. 107, վ. 374, ք. 15: Ալեքսանդրապոլից, «Մեղու Հայաստանի», Թիֆ-լիս, 1881, N 48, էջ 3):

¹⁸ Акты, собранные Кавказской археографической комиссией (АКАК), т. 9, Тифлис, 1884, с. 84-89.

¹⁹ Հաղորդակի վանական ընկերութեան յիշատակարանն ու հաշիւը 1850-1882թ., Ալեքսանդրապոլ, 1909, էջ 18:

²⁰ Մատենադարան, Կաթողիկոսական դիվան, թղթ. 101 ք, վ. 49, ք. 1: Մանթրոսյան Մ., նշվ. աշխ., էջ 273:

²¹ Кавказский календарь на 1846 год, Тифлис, 1845, Отд. II, с. 145.

է «հոգևոր» դպրոցում ռուսերենի դասավանդումը: 1843 թվականից ուսուցումը դառնում է վճարովի: 1844 թ. առաջնորդարանին կից «հոգևոր» դպրոցն ուներ երկու դասարան, որտեղ սովորում էին 137 աշակերտներ: Առաջին դասարանում սովորում էին հասարակ ընթերցանություն, «վայելչագրություն հայոց և ռուսաց լեզուի», երկրորդում՝ քվարանություն, քերականություն, հայոց և ռուսաց լեզուների վայելչագրություն, ճարտասանություն, երաժշտություն, քրիստոնեական վարդապետություն: Վերջին երեք առարկաները դասավանդվում էին միայն մայրենի լեզվով:²² Առաջադեմ աշակերտներից էին Հովհաննես Տեր-Մարկոսյանը, Հարություն Հարությունյանը և Գևորգ Մախասյանը: Դպրոցն այս կերպ, հավանաբար, իր գործունեությունը շարունակել է մինչև 1853թ. վերջերը, երբ սկսվում է Դրիմի պատերազմը (1853-1856թթ.): Վերջինիս պատճառով դպրոցը փակվում է, իսկ շինությունը տրվում է վարձով մասնավոր անձի:

Տեղական և կովկասյան իշխանությունները,²³ սինոդը Ալեքսանդրապոլի հոգևոր վիճակի փոխանորդի և «հոգևոր կառավարության» վրա ճնշումներ էին գործադրում, որպեսզի նրանք արգելեն «հոգևոր» դպրոցում աշխարհիկ ծագում ունեցող երեխաների ուսուցումը: 1849թ. հոկտեմբերին սինոդի կողմից Ալեքսանդրապոլ գործուղված կոնսիստորիայի ավագ անդամ Սկրտիչ վարդապետի և սինոդի ատենադպիր Մուքիաս Թադիանոսյանցի կարգադրությամբ արգելվում է աշխարհականների երեխաների ուսուցումը դպրոցում. «...պատուիրեալ են բարեկարգին Աղեքսանդրապոլու արտաքսեալ ի դոմէ եկեղեցւոյ զամեն մանկունս ծնեալս յաշխարհական ծնողաց չէ անյայտ զի քաղաքն Աղեքսանդրապոլ գոլով գուրկ ի կարգատրեալ յաւամնարանէ Հայոց, մանկունք մեր շարունակելով զընթերցումն լեզուի մեր առ մարմնատր ուսուցիչս ոչ սակաւ օժանդակ լինի նոցայն յառաջադիմութիւն ունկնդրութիւն ժամերգութեան քողասացութիւն ընթեռնով զճաշոյ զիրս ևն ուրեմն այս ներգործութիւն քննչաց ոչ առ ալլ ինչ հայի, եթէ ոչ առ խոյրնդոտն լինելն մանկանց մերոց ի կրթութիւն Հայոց լեզուի»:²⁴ 1851թ. օգոստոսին 20-ին Երևանի կոնսիստորիան Ալեքսանդրապոլի «հոգևոր կառավարության» քարտուղարի պաշտոնակատարի խնդրանքով միջնորդում է սինոդին, որպեսզի աշխարհականների երեխաներին թույլատրվի սովորել «մասնավոր հոգևոր դպրոցում»:²⁵ Հաշվի առնելով Ալեքսանդրապոլի հայ հասարակության ցանկությունը՝ 1854թ. սինոդը թույլատրում է, որ հոգևորականներից բացի դպրոցում սովորեն նաև աշխարհականները:²⁶ 1853թ. հունվարի 31-ին Ալեքսանդրապոլի հայ հասարակությունը սինոդից հոգևոր դպրոց բացելու իրավունք է խնդրում՝ «յաղագս անվախճան շարունակելոյ յայնմ զհայրենի դասատւութիւն և զլեզու և զայլն առաւելապէս զեկեղեցական ժամերգութիւնս»:²⁷ Նախատեսվում էր դպրոցի հոգաբարձությունը հանձնել Հովհաննես քահանա Տեր-Մարկոսյանին, Հակոբ Մատակյանցին և Սկրտիչ Բարայանցին: Սինոդը չի ընդառաջում հասարակության խնդրանքին:

Դրիմի պատերազմից հետո, Ալեքսանդրապոլի հոգևոր գործերի վերատեսուչների, Ալեքսանդրապոլի հոգևոր վիճակի փոխանորդ Վարդան վարդապետ Օձնեցու և տեղի «հոգևոր կառավարության» բազմաթիվ դիմումները հաշվի առնելով, սինոդը 1858թ. հունվարի 16-ին թույլատրում է բացել դպրոց:²⁸ Դպրոցի եկամուտը պետք է գո-

²² Մատենադարան, Կաթողիկոսական դիվան, թղթ. 107, փ. 374, թ. 10:

²³ Նույն տեղում, թղթ. 129, փ. 192, թ. 1-2:

²⁴ Նույն տեղում, թղթ. 157, փ. 469, թ. 1:

²⁵ Մանթրոսյան Մ., նշվ. աշխ., էջ 273 - 274:

²⁶ Նույնը:

²⁷ Մատենադարան, Կաթողիկոսական դիվան, թղթ. 181, փ. 165: Մովսիսեան Զ., Յիշողութիւններ, Հայաստանի ազգային արխիվ (այսուհետև՝ ՀԱԱ), ֆոնդ 57, ցուցակ 1, գործ 208, թ. 10:

²⁸ ՀԱԱ, ֆ. 57, ց. 1, գ. 208, թ. 10:

յանքը Սբ Աստվածածնի պատկերից ստացվող եկամտի 2/3 - ից,²⁹ ուսման համար աշակերտների վճարած գումարներից (թոշակ) և բարեգործների նվիրատվություններից, հետագայում սրանց վրա ավելացան դպրոցապատկան կրթականներից, մոսկովաճառություններից և Սբ Աստվածածին և Սբ Ամենափրկիչ եկեղեցիներում դրված գանձարկղերից ստացվող գումարները: Նորընտիր ուսուցչական խմբի մեջ մտնում էին Հ. ճառքերից ստացվող գումարները: Նորընտիր ուսուցչական խմբի մեջ մտնում էին Հ. ճառքերից ստացվող գումարները, Ս. Չմշկյանը, Մ. Խաչատրյանը, Գ. Մատինյանը և այլք: Ուսուցչական կազմն անընդհատ փոխվում էր: 1860-ական թթ. սկզբներին ուսուցչություն էին անում Ա. Նալյանը, Հ. Լալայանը, Կ. Ջանիբեկյանը, Հ. քին. Տեր-Սյուխարյանի, Հ. քին. Մահառունյանը, Կ. քին. Տեր-Առաքելյանը, Մ. Արաբաջյանը, Ա. Փափանյանը, Մ. Տեր - Մարտիրոսյանը և Բ. Տեր-Թադևոսյանը: Նրանք դասավանդում էին քրիստոնեական վարդապետություն, երգ (շարական), հայոց և ռուսաց լեզուների քերականություն, հայերեն և ռուսերեն ընթերցանություն, ճարտասանություն, թվաբանություն, հայոց և ռուսաց լեզուների վայելչագրություն, ազգային պատմություն: Ուսուցումն իրականացվում էր հին մեթոդներով, տեղ ուներ մույնիսկ ֆիզիկական պատիժը: Աշակերտների ստացած գիտելիքների որակը ստուգվում էր տարեկան դպրոցի «հարցաքննությունների» կամ «հրապարակային քննությունների» ժամանակ (սովորաբար լինում էր մայիսի վերջին տասնօրյակին կամ հունիսին), որոնք անցնում էին մեծ հանդիսավորությամբ: Առաջադեմները պարգևատրվում էին գրքերով ու գովասանագրերով: Աշակերտներն իրենց գիտելիքները ցուցադրում էին մաս շարադրություններ և ճառեր գրելով: Հոգևոր դպրոցի սաների առաջին ինքնուրույն ստեղծագործությունները տպագրվել են Թիֆլիսի «Մեղու Հայաստանի», «Կռունկ հայոց աշխարհին» և այլ պարբերականների մեջ:

Հոգևոր դպրոցի շուրջը համախմբված մտավորականներն ամեն ինչ անում էին նրա զարգացման համար՝ օրինակ ունենալով Թիֆլիսի Ներսիսյան դպրոցն ու Մոսկվայի Լազարյան ճեմարանը: Ալեքսանդրապոլի հասարակական կյանքում դպրոցը շատ բարձր և առաջադիմական դեր ուներ: 1863թ. Ալեքսանդրապոլի «Ընթերցասիրական» ընկերությունը դպրոցին կից բացում է ընթերցարան: Նույն թվականին քութայի-սաբնակ Աղ. Մելիք-Հայկազեանի և իր ընկերների ջանքերով Ալեքսանդրապոլում հիմնադրվում է թատրոն: Կազմակերպիչները որոշում են բեմադրել Հ. Կարենյանի «Շուշանիկ» ողբերգությունը: Դերասանների ընտրությունը կատարվում է հոգևոր դպրոցի բարձր դասարանների աշակերտներից (Հ. Լալայան, Մ. Տեր-Դավթյան, Մ. Արաբաջյան, Տ. Վարդապետիկյան, Հ. Բաղդասարյան, Հ. Խոջայան, Հ. Ջյանդարյան, Հ. Սահրադյան և այլք): Առաջին ներկայացումը բեմադրվում է 1865թ. մայիսի 23-ին:³⁰

1865-1868թվականներին հայ կրթական կյանքի ընդհանուր ակտիվության նվազման հետևանքով պակասում է Ալեքսանդրապոլի հասարակության և վերատեսուչների³¹ կողմից դպրոցի նկատմամբ հոգատարությունը: Այդ պատճառով ուսուցիչներից շատերը հեռանում են:

Սակայն, հետագայում 1868-1869թթ. Սբ Էջմիածնի Ուսումնական համաձայնագրովի կազմած ծխական դպրոցների կանոնների և թեմական դպրոցների կանոնադրու-

²⁹ Սրբի պատկերը զանազան առիթներով տարվում էր Ալեքսանդրապոլի գավառի գյուղերը, որոնց բնակիչներն առատ նվերներ էին տալիս՝ բնամթերքի, անասունների և դրամի տեսքով:

³⁰ Ջառքեանց Մ. Հայկական թատրոն Ալեքսանդրապոլում, «Հայկական աշխարհի կռունկ», Թիֆլիս, 1865, N 5-6, էջ 183-184: Ջառքեանցի, Հայկական ներկայացումներ Ալեքսանդրապոլում (Յիշողություններ), «Արձագանք», Թիֆլիս, 1892, N 53, էջ 1-2: Հառիճայի վանական ընկերության յիշատակարանն ու հաշիւը, էջ 280:

³¹ 1858-1868 թթ. քաղաքի հայ հասարակության համաձայնությամբ դպրոցը ղեկավարում էին երեք վերատեսուչներ:

յամ³² հետևողությամբ բարելավվում է նաև Ալեքսանդրապոլի հոգևոր դպրոցի վիճակը: 1868թ. հուլիսին դպրոցի ուսուցիչներ Մ. Արաբաջյանը և Ա. Արշակունին ստեղծում են «Որբախնամ» ընկերություն՝ նպատակ ունենալով դասագրքերով և գրեմական պիտույքներով ապահովել ազգային դպրոցների աշակերտներին: 1869 թվականից դպրոցը սկսում է ղեկավարել 6 հոգուց կազմված հոգաբարձությունը, որը տեսաչ է հրավիրում, վերանորոգում Նիկողայոս եպիսկոպոսի կառուցած դպրոցական սենյակները, որտեղ առաջվա նման տեղավորված էր դպրոցը, կենսաբեր շունչ հաղորդում «Ընթերցասիրական» ընկերության րացած ընթերցարանին՝ համալրելով գրականությամբ, րացում գրախանութ, որտեղից աշակերտները դասագրքերը և գրեմական պիտույքներ ձեռք էին բերում մատչելի գներով: Ընդ որում, չքավոր երեխաները դրանք անվճար էին ստանում:

1870 - ական թթ. սկզբներին հոգաբարձության հրավերով Երևանից, Թիֆլիսից, Ս. Պետերբուրգից, Շամախիից և այլ վայրերից Ալեքսանդրապոլ եկան մի խումբ մտավորականներ, որոնք տեղի գործիչների հետ մեծ գործ կատարեցին հոգևոր դպրոցի կրթության որակն ու հարգը բարձրացնելու համար: Չնավորված ուսուցչական խմբի անդամները հայ մամուլի աշխատակիցներ էին, գիտական քննադատական-աշխատությունների և դասագրքերի հեղինակներ, թարգմանիչներ, գրողներ, բժիշկներ: Այս տարիներին հոգևոր դպրոցը հրաբուխի նմանվեց, որը ժայթքեց և իր խառամի տակ թաղեց մանկավարժական հնացած մեթոդներն ու գաղափարները: Հեռագայում դպրոցի աշակերտներից մեկը պիտի գրեր. «...այս դպրոցը գիտելիքներ ամբարելու և հոգեկան հաճոյքների միջավայր էր...»³³ 1850-1880-ական թթ. դպրոցն ունեցել է երեք կամ չորս հիմնական և երկու կամ երեք պատրաստական և գումբնթաց դասարաններ:

Տեսուչ Ս. Բեկնազարյանը, օգտվելով բարենպաստ հանգամանքներից, հոգևոր դպրոցին փորձում է աշխարհիկ բովանդակություն հաղորդել: Նրա տեսչության տարիներին (1871-1875թթ.) ավանդական առարկաներից րացի դասավանդվում էին գերմաներեն, հայրենագիտություն, քնական պատմություն, երկրաչափություն, հանրահաշիվ, ֆիզիկա, մաթեմատիկություն և մարմնամարզություն, ընդ որում յուրաքանչյուր առարկայի համար առանձին ուսումնական ծրագրով: Պարբերաբար հրավիրվում են մանկավարժական ժողովներ: Ամենայն հայոց կաթողիկոս Գևորգ Դ-ն 1873թ. մարտին հաստատում է դպրոցի առաջին կանոնադրությունը,³⁴ համաձայն որի հոգևոր դպրոցը վերածվում է վիճակային դպրոցի, վաղուց արդեն գործող կարգը, փաստորեն իրավական ուժ է ստանում, լեքսալոցիների երեխաներից րացի հոգևոր դպրոցում կարող էին սովորել նաև Ալեքսանդրապոլի գավառի գյուղերից և սահմանակից գավառներից: Դպրոցն ուներ համեմատաբար լավ ուսումնամեթոդական հնարավորություններ՝ տարբեր տեսակի գործիքներ ու մոդելներ, աշխարհագրական քարտեզներ, ատլասների հավաքածուներ, արտասահմանից բերված գլոբուսներ և այլն:

Վիճակային դպրոցի ուսուցիչները և աշակերտները հստակ ծրագրով բարձրացնում էին ժողովրդի ազգային ինքնագիտակցությունը և տարածում էին ազատագրական պայքարի գաղափարներ: Այդ նպատակին էին ծառայում դպրոցի դասիկներն և այլ տեղերում հայրենասիրական թեմաներով թատերգությունների բեմադրությունները: Դպրոցի ուսուցիչները և աշակերտները մասնակցում էին Սբ Վարդանանց և Սբ

³² Կանոն յադագս ծխական հոգեւոր դպրոցացն հայոց որ ի Ռուսաստան, «Արարատ», 1868, թիւ 2, հոկտեմբեր, էջ 70-72: Թեմական դպրոցաց կանոնադրութիւն, «Արարատ», 1869, թիւ 5, փետրուար, էջ 141-146:

³³ ՀԱՍ, ֆ. 1262, ց. 1, գ. 25, թ. 5:

³⁴ Վաւերագրեր հայ եկեղեցւո պատմութեան, զիրք ԺԱ (11-րդ), Գետրգ Դ Կոստանդնուպոլսեցի Զերեստեմեան կաթողիկոս ամենայն հայոց (1866 - 1882), Փաստաթղթերի եւ միւսերի ժողովածու, կազմեց Սանդրո Բէրբուդեանը, փաստ. N 346, Եր., 2004, էջ 447:

Թուրքմանյաց ազգային-եկեղեցական տոների կատարմանը, այդ կապակցությամբ արտասանում էին ճառեր: Նրանցից ռմանք ներգրավված էին 1869թ. Ալեքսանդրապոլում և 1874թ. Սեծ Դարաքիլիսայում (այժմ՝ ք. Վանաձոր) տեղծված «Բարեմալատակ ընկերություն» և «Հայրենիքի սիրտ գրասենյակ» ազատասիրական խմբակների կողմից տարվող աշխատանքներում:³⁵ 1877թ. հոգևոր վիճակային և Արդության դպրոցների ուսուցիչները ստեղծում են «Ընթերցասիրաց ընկերություն», որն աշակերտ - աշակերտուհիների մոծած անդամավճարներով ընթերցանության համար մանկական գրքեր էր ձեռք բերում:³⁶ Նույն թվականին դպրոցի աշակերտ Երվանդ Լալայանցը փորձում է «Ազգագրական» թերթ հրատարակել,³⁷ բայց հաջողություն չի ունենում:

Դպրոցի բնականոն աշխատանքը շարունակվում է մինչև 1877թ. սեպտեմբեր ամիսը, երբ 1877-1878թթ. ռուս-թուրքական պատերազմի պատճառով այն փակվում է: Դպրոցական շինությունը վերածվում է հիվանդանոցի: Դասերը վերսկսվում են միայն 1878թ. սեպտեմբերին:

Դեռ 1878թ. հուլիսին ընտրված նոր հոգաբարձությունն ուսուցչական կազմը համալրում է նոր աշխատակիցներով: Դասավանդվում էին հետևյալ առարկաները՝ կրոն, հայոց և ռուսաց լեզուներ, հայոց և ընդհանուր պատմություն, բնական պատմություն, աշխարհագրություն, թվարանություն, հանրահաշիվ, երկրաչափություն, բնագիտություն, վայելչագրություն, նկարչություն, գծագրություն և երգ: Դասերից հետո ուսուցիչները հաճախ լրացուցիչ պարապմունքներ էին կազմակերպում, դասախոսություններ կարդում «քաղաքացու իրավունքների և պարտականությունների մասին»:³⁸ Դպրոցի տեսուչները (Ս. Բենյամյան, Ա. Հովհաննիսյան, Գ. Հովհաննիսյան և Գ. Տեր-Պետրոսյան) խստորեն հետևում էին ուսուցիչների և աշակերտների կարգապահությանը և բացակայություններին: Նրանք ծնողների հետ պարբերաբար հանդիպումներ էին կազմակերպում, աշակերտների պարտականությունների մասին «կանոններ» էին գրում ու փակցնում դասարաններում կամ «յիշատակարաններ» տպագրում:³⁹

1870 - ական թթ. վերջերին և 1880 - ական թթ. սկզբներին դպրոցի ուսուցիչները և բարձր դասարանի աշակերտները հանդես են գալիս բարեգործական մի շարք նախաձեռնություններով. թատերական ներկայացումների բեմադրություններ և մասնակցություն ավետիսների⁴⁰ հօգուտ Սահակամուշյան օրիորդաց դպրոցի, հանգանակություններ սովից տուժած վանեցիների համար, գրքերի նվիրատվություններ դպրոցներին և այլն:

1881 թ. լրանում է դպրոցի քառասնամյակը: Այս կապակցությամբ Սր Ամենափրկիչ եկեղեցու գավթում կառուցվում է դպրոցական նոր շենք: Դպրոցի հոգաբարձությունը Հ. Դուկասյանին և Պ. Հայկազունուն հանձնարարում է գրել դպրոցի «լիակատար պատմությունը», բայց դա ինչ- ինչ պատճառներով չի հաջողվում: Ուսումնական գործընթացն առանց էական փոփոխությունների շարունակվում է մինչև 1885թ. մարտ, երբ հայկական բոլոր դպրոցների նկատմամբ ցարական կառավարության որոնգործ խիստ քաղաքականության պատճառով դպրոցը փակվում է:

Ալեքսանդրապոլի հասարակական կյանքը զբաղեցնող խնդիրներից շատերը կապված էին դպրոցի հետ: Դպրոցի նկարագրով էր բնորոշվում քաղաքի հայ հասա-

³⁵ Մանրամասն տես Պարսամյան Վ., նշվ. աշխ., էջ 111-165:

³⁶ Գեղամեանց Յ., Ախալցխայից մինչև Անի, «Փորձ», Թիֆլիս, 1880, N 4, էջ 65:

³⁷ Սարգսյան Ա., Ազգագրագետ գիտնականը, «Բանվոր», N 39, 1981, էջ 3:

³⁸ ՀԱԱ, ֆ. 1262, ց. 1, գ. 25, ք. 12:

³⁹ Յովհաննիսյան Գ., Աշակերտաց բացակայություն Ալեքսանդրապոլի վիճակային Հայոց հոգևոր դպրոցում, «Մեղու Հայաստանի», Թիֆլիս, 1884, N 49, էջ 1 - 3:

⁴⁰ Մուրթոմնդյան երեկոյին ժամաշապկներ հագած այցելում էին բնակիչներին և կամավոր նվիրատվություններ հավաքում:

րակական կյանքի ակտիվությունը: Հասարակական կյանքը նորեմն վրդովվում էր դպրոցի ուսուցիչների միջև տարաձայնությունների, Ալեքսանդրապոլի «հոգևոր կառավարության» և դպրոցի հոգաբարձության անհամերաշխ հարաբերությունների պատճառով: 1870-ականների երկրորդ կեսին և 1880-ականների սկզբներին հոգաբարձությունների ընտրությունները և տեսուչների փոփոխությունները լարված էին անցնում, որը պայմանավորված էր քաղաքի հայտնի հասարակական խմբավորումների մրցակցությամբ: Այս խմբավորումների ներկայացուցիչները մամուլում բավական սուր ելույթներ էին ունենում, քննադատում միմյանց, սակայն դա հետադիմական քննադատություն չէր: Բանավեճերն ու քննարկումները նպաստում էին դպրոցի առաջադիմությանը:

Այսպիսով, մի շարք արխիվային փաստաթղթերի ուսումնասիրությունից պարզվում է, որ Ալեքսանդրապոլի հոգևոր դպրոցը հիմնադրվել է 1840թ.՝ նախատիպ ունենալով Հովհաննես Դավթյանի մասնավոր դպրոցը: Դպրոցի գործունեության սկզբնական փուլն ավարտվում է 1853 թ.: 1853-1856թթ. Դրիմի պատերազմից հետո դպրոցը նորից սկսում է կանոնավոր գործել: 1858-1865թթ. հայ հասարակական-քաղաքական կյանքի ընդհանուր վերելքի պայմաններում դպրոցի ուսուցիչները և աշակերտները հայտնի չափով նպաստում են Ալեքսանդրապոլի հասարակության մտավոր զարգացման մակարդակի բարձրացմանը: 1860- ական թթ. վերջերից դպրոցի կյանքում մեկնարկում է փոփոխությունների մի շրջան՝ մինչև 1885թ.: Ժամանակի գործիչներն այդ շրջանը բնորոշել են որպես «Ալեքսանդրապոլի ուսումնարանների ոսկեդար»:⁴¹

Ալեքսանդրապոլի հոգևոր դպրոցն ապրում էր եռուն կրթական կյանքով և աշխույժ մշակութային առօրյայով: Այն որոշակի ժամանակահատվածում դարձավ ազատագրական շարժման կենտրոն: Հասարակական կյանքում դպրոցի դերը չէր սահմանափակվում կրթական և դաստիարակչական խնդիրների լուծմամբ:

АЛЕКСАНДРОПОЛЬСКОЕ ДУХОВНОЕ УЧИЛИЩЕ В 1830 - 1880 гг.

Резюме

Г. Айвазян

В 1830 - х годах в Гюмри основное образование дети получали в частных учебных заведениях. Со временем у общества назрела потребность в создании нормального училища. В 1840г. по настоянию тогдашнего Александропольского викария епископа Никогоса было открыто Александропольское духовное училище с двумя классами и соответствующей учебной программой. В 1853г. завершился начальный период истории училища. К 1858г. училище вновь стало действовать. Учителя, воспитанники училища и интеллигенция становились проповедниками просветительских идей в обществе. С конца 1860-ых годов обучение в училище постепенно приобретало светский характер. Со временем методы преподавания и обучения воспитанников училища совершенствовались.

Александропольское духовное училище жило энергичной образовательно-культурной жизнью. В общественной жизни роль училища не ограничивалось решением задач, связанных с учебно - воспитательной частью. Некоторое время училище являлось центром освободительного движения.

⁴¹ Ղաապետանց Գ., Սարգիս Միրզայան, «Ախուրեան», Ալեքսանդրապոլ, 1907, N 37, էջ 4: